

絲

絹

全

書

絲綃全集序

司馬公有言太上不辱先其次不辱身其次不辱理色其次不辱辭令其次屈體受辱其次易服受辱其次關木索被捶楚受辱其次受榜受箠毛髮嬰金鐵受辱其次毀肌膚斷肢體受辱最下大辟其辱極焉

嘗誦是書而每嘆其心之悲傷故
其言之剴切若此也詎意余適不
幸旻天降割而悉萃諸辱於一身
如子長之所可傷也哉噫茲亦慘
矣雖孝子慈孫百世不能改矣寧
賁志以歿耶什之者曰西伯伯也
囚羑里李斯相也具五刑淮陰王

也械於陳魏其大將也衣赭關三木王侯將相尚弗能免辱子安在其弗堪而不勝其哀號悽愴也且子之事五邑之公事子之禍五邑之共禍特子罹之獨劇耳今幸

天皇遠照

祖制不改人誰不高子之義而憫子

屈以縉紳士夫則悼之以同袍多
士則傷之以群黎萬姓則相與嗟
嘆而仰戴之何辱之計而孜孜然
求以雪之予應曰不然士可生可
殺而不可辱古有畫地為獄議不
入刻木為吏期不對者凡以免辱
也予當此時幽於塗炭之中身貫

三木屈同義禮譬無完膚慘符范
升一見獄卒頭輒搶地傳聞呼咷
心切怛怛如是而猶曰弗辱焉特
強耳夫勇不避禍仁不撓節予何
湛溺於縲紲之中不自引決以冒
此無辜之辱也哉第以庭無繇絲
貝錦百疋身殘多謗事久傳訛乃

理勢所必然者今余挹不測之罪
已踰三載矣家貧不能以上懇交
游莫救戚黨莫持園牆覆盆莫克
戴天卒有不諱是余終於不得引
頸伸喙雪垢磨癥後有慈母謬於
投杼者信以余為不齒之士而貽
玷斯文遺羞學校將為名教之罪

人鬼如是則長逝之冤冤飲恨無窮其何以質先達面先人於泉壤哉仲之者又曰隱衷不竭奸之屬也抱污不洩賤之類也子憂心事之弗白乎奚俟他求絲綃事已備載於各邑之書彰之耳目第散逸不成帙子集之則事理俱存可以

信今可以傳後子心事白矣余曰
善乃搜求各邑之書窮顛末補亡
逸刪煩冗次先後彙成一集剖為
八卷凡夫始之所發端終之所極
致者皆縻具在庶可以指掌而見
矣嗟夫五邑抱屈 奏訴之詞不
曰激變則曰召變不曰彌變則曰

逼變民之所愬者披摠觸忌更數
歲而愈堅其辯官之所議者悞導
成法合五縣而皆一其申然竟不
能達下民之隱宣抑塞之情以釀
成今日之媒者亦可以按籍而知
矣今乃一旦獨歸罪於余之倡首
而致枉入於大辟然則前此官民

之所申所懇者豈皆漫然無稽而徒托諸空言也哉且考律例所載聚衆打奪殺人方擬重辟余自揣既未打奪何項錢糧何官公差又未殺傷何氏人民以固稽諸招情之詳節昭諸六邑之見聞實諸合郡之公論不可得而誣焉者也

今乃羈縻坐茲重典情與法不相
協事與理重背馳致令陳情無路
控籲無門惡能已於鬱憤之情夫
昔墨翟拘囚修喪制屈原放逐賦
離騷子長腐穢史記百篇韓非囚
秦說難孤憤凡此皆古人所以紓
其抑宣其恨也余本棘園落魄魄
檮

櫟朽材萬萬不敢竊此朽古人然
無因而羣蒙茲禍其垢辱其冤抑
實亦同之茲錄是書用以傳之通
邑大都嚮之賢人達士他日有甘
庖魚之腥而忘其烹者哉展卷除
膺而嘆曰嗟予之嬰禍無它腸也
尊

祖制也實舊章也書不云乎監於先
王成憲其永無愆今監成憲而反
愆愆惡能免彼哉誠如是則寬辱
之負於今日者雖沉淪於九地而
心跡之白於後日者當不昧於鄉
曲以是無罪而就死焉縱牛羊躑
躑於重基狐狸鼯梁於玄夕皮毛

然齋全集序
盡沒草木同塵而余之生氣猶或
炳著於書青也又何悔之有哉又
何怨之有哉

萬曆七年季秋望日徽婺寃人

程任卿含哀書于徽州

府司獄司

綵綃全書目錄

金集卷之一

一帥嘉謨倡議首呈 按院劉爺按府會議帖文

一續漢縣查議申文

一帥嘉謨具呈本府詞

一奉 崔太爺緝拿帥嘉謨牌面

一歙縣拿解帥嘉謨家屬申文

一歙家保帥貴保狀

一帥嘉謨復呈府詞

一徽州府行縣催議帖文

一歙縣士民交呈本府批縣轉申 鮑院公文

一兵道奉 按院鮑爺批府查議牌面

一府行五縣查議牌面

一婺源縣查議申文

一績溪縣查議申文

一休寧縣查議申文

一祁門縣查議申文

一點縣查議申文

一歙民陳良知等赴 兵道告詞批府行縣帖文

一婺源民具告 都院宋爺批府行縣帖文

一續溪縣士民具呈申文

石集卷之二

一帥嘉謨妄扳奏本帖文

一五邑民人誚辯妄奏揭帖

一奉都院宋爺牌行均平議

一黎民徐文湜等催告府詞

一本府差人催提牌面

一發邑奉催再議申文

一歙邑再議申文

一初門縣里排黃邦泰等呈府揭帖

一休邑民人告府准詞

一績溪縣御官呈詞

一歙民江伯弼等告詞

一五邑查明絲絹緣由呈詞

一歙民徐文湜等告詞

一點縣里排告詞

一奉都院牌拿歐辱江解元人犯

絲集卷之三

一帖歙縣查冊公文

一五邑赴都院告准查冊詞

一帖五縣查冊公文

一兵道奉都院委官查議牌面

一兵道拿究為首告訴之人牌面

一五邑奏查黃冊疏文

一五邑赴告府詞

一委官查冊牌面

一按院唐爺准五邑告詞

一奉都院准帥嘉謨告查典劄憲牌

一帥嘉謨告查典劄申部公文

一查冊官申府揭帖

一 歙縣通學生負詆箴黃冊呈詞

一 五邑赴按院唐爺告詞

一 歙縣鄉宦詆箴黃冊呈詞

一 五邑鄉宦尊制呈詞

一 奉南京戶部查冊回文并行府帖文

一 戶部查回後湖六縣黃冊

一 帥嘉謨詆箴黃冊告詞

竹集卷之四

一 戶部查借戶科條陳事宜議行均平疏文

一 本府磨算歲徵申文

江子賢等妄詆黃冊奏疏帖文

五邑鄉宦辯江子賢妄詆黃冊呈詞

一都院行府場派憲牌

一五邑人民驚派均平急告院詞

一五邑鄉宦辯訴均平呈詞
三縣邑告撫院胡爺詞

一各官會議均派回院申文

範集卷之五

一戶部坐派絲綸咨文并府行縣帖文

一舒爺過休寧准休民告詞申文

一休寧縣申文

一續溪縣申文

一徐太爺安民告示

一本府申各院申文

一祁門縣申文

一舒爺安民告示

一報舒臺揭帖

一舒爺署縣申文

一舒爺申上司揭帖

一本府禁約

一兵道出巡告示三張

祁門縣通學生員呈道准詞

一發邑民人告府准詞

一黜縣申文

一都院安民告示二張

一拿帥嘉謨牌面

一都院憲牌

一按院安民憲牌二張

一發民訴冤說帖

一徽州府申文

一五邑激赴 都院告詞

一五邑激赴 按院告詞

土集卷之六

一撫按會題 疏文

一南京禮科等給事中彭 一本

一南京湖廣等道御史唐 一本

一北京戶科都給事石 一本

一戶部尚書族 自陳一本

一安官會查公文

一歙民架誣倡亂告詞

一歙縣生負呈詞

一兵道牌拿為首告訴之人

一本府申解公文

一兵道出巡告示

一查豪右牌面二張并拿生員憲牌二張

一本府原擬獎招

一按院再議均平查訪豪右

一徐太爺復請改議均平申文

一徽寧池太安等府回呈

一徐太爺改議均平申文

一都院再訪豪右憲牌

一 本府回無豪右申文

一 都院吊取各邑認狀憲牌

革集卷之七

一 撫按會題絲綃疏并戶部覆本

一 撫按題覆招擬并刑部覆本

木集卷之八

一 欽宦遺五邑士夫書

一 鄉宦送本府 蕭太爺書

一 鄉宦上 都院宋爺書二封

一 徐太爺書

一殷戶部達都院書

一殷尚書達本府徐太爺書

一卿宦奉兵臺書二封

一卿宦上徐太爺書○一卿宦上撫院胡爺書

一殷尚書自陳疏

一太平上各府詳覈說帖

一本府豁免均平公文

一奉撫院道豁免均平公文

一奉按院豁免均平公文

一何愧吾臨終說帖

一合邑祭何愧焉

文

然翁全集卷之二

一抄奉

皇上登極詔

隆慶六年六月初十日

萬歲 詔款

祖宗成法至精至脩所當萬世遵守近年以來有司不考
憲度徃徃自作聰明任意更變其稱為成法者又多遷
移出入殊非

祖宗立法垂憲致令羣體紛紜軍民惶惑豈成治理今後
內外起承衙門各要仰

祖宗之意明考成法古無違行違者以變亂成法論其從
前更變者俱行查德婦累係時宜燕得不然深詳

事由

奏請准允乃行

金集卷之一

寬主程任牌旋集

一節如議倡議書呈 按院劉希莊席會議帖天

徽州府為懇恩還

國典據府誌均載敕備以楚國苦事抄案

按院郭 執擬鈔如錄呈前事翻補天下之通黃手

均平稅物有不得其平則為敕條必偏重賦民困已

極窮還

仁明在位備陳情款懇乞均平經本府連年奉

戶部勘令查取人丁無所生增八千七百八十疋原

額六縣均輸府憲可証乙巳年改科五縣人丁終銷

張徵德奏欽縣重科包納查照

大明會典徵徭府南京承運庫人丁絲折絹八千七百
七十九疋零與前派勘合事件數目相同並無餘額
二字則是六縣人丁絲折之絹昭然明白據府誌錄
縣北附元額虧欠夏麥九千七百餘石將輕租民四
地除納夏稅秋糧每畝重復科絲四錢補納原虧麥
款其休養和縣補五縣亦虧欠夏麥共一萬七百七
十九石六斗未見重科何項補納即此明見偏累之
勢所是一會典書公同天下柰何府誌事載不同
竊歎縣虧欠前麥九千七百餘石官則每石折銀三

錢該銀不上三千兩之數當宜科麥或折銀補之豈
得以麥徵絲其折絹八千七百八十疋正合六縣人
丁絲絹并虧麥數目况絹每疋定銀七錢其銀六千
一百四十六兩展轉賣絲又增一倍偏苦但欲實不
產絲逐年俱往浙江出產地方轉買交納監費使用
苦不可言信及至此愈覺痛心查得承運庫通年額
收絲絹二萬一百九十餘疋浙江湖廣二省天下發
絲出產地方止分納絹八千五百一疋應天等一十
三府止分納絹二千九百五疋徽州一府民不事蚕
絲分納絹八千七百八十疋較抵二省後多舊額六

縣人丁田畝均輸事。統可擬何他偏累。欲將田地越
外重科。包納情實。誰堪賦稅不均。莫甚於此。先年錄
民程鵬王祖等連名具告。巡撫陳爺及
巡按宋爺俱批仰府掌印官會同佐貳官。議公議廢
呈奪。彼因兩院陞遷。遂未申覆。又告。巡撫歐陽
爺劄行改。認仰府掌印正官造冊成書。斟酌增損。以
不失本院致平之意。續蒙牌催本府。後所屬縣分
即將各項田地稅糧。比照蘇松等府改行事例。官民
各為一則。毋致偏虧。又告。巡按游爺處批查勘。呈
案時。因本府該處丈量俱係五縣人民。休涉各縣。欲

報朕臆申塞以致積弊年深未見天日幸

爺、代

天巡狩民間利弊洞察秋毫況此賦外之賦科外之科
尤得密察是以加議草莽寒微敢以一縣偏苦民情
冒死上陳伏乞廣草木均沾之澤擴海宇同仁之心
憐憫歛民狃苦重賦乞查會典并本府新舊二誌
磨對加議開具原額各縣田地科則及影射欺弊情
款懇乞鈞裁

題請分豁或遵會典均派六縣人丁或照府誌原額均
派六縣田地庶賦稅得平民生得遂子子孫、永沾

息澤等因蒙批仰府查議報蒙此緣時更迭紛紜干
六縣擬合通行查議為此帖仰市縣官吏即集如議
耆民及里老人等到官將帥加護至內所言絲綸事
情是否與會典府誌相同即令應否各縣均派仍
或應否照舊作速具由申府以憑覆議轉達施行
隆慶四年二月初七日

一續漢縣查議申文

為懇恩遵

國典據府誌均賦救偏以建困苦事奉本府帖文抄
蒙按院劉批據帥加議呈前事本縣遵依給示
曉諭續批縣縣坊都里老者舊民唐文毅吳廷瑞等連
名呈為乞究變亂

因制周上虛下極惡事坊里本府六縣田土編定秋糧
夏麥為國之需始因麥有虧盈則于賦有增減
國初行交中書省查出歛縣影射民田正耗脚義九千
七百餘石罪及官民該縣承認南京承運庫絲絹八

千七百八十疋以補京額虧麥之數永為定規的與
葵等五縣無干遵納一百七十餘年府誌可考嘉靖
十四年有欽刀民程鵬王相聲告 都院五縣亦具
情赴告俱蒙批府會訊官民里排申詳照舊依宜卷
証續蒙 都院行委 府主太爺馮 休寧傳知縣
赴院面訊查照版籍府誌實應欽縣徵解絲絹刊刻
賦役冊籍附于本府稅糧末簡以備查考不致漏沒
又經三十餘年無異豈令訟師肆加誣假公執私隱
下節經府院勘明事理要得終更担呈據告
兩院蒙送本府不愆前項自

國初以來以新陳會議編定額制比照田土輕重米麥
虧盈或增或減頒行天下永遠欽遵實維更系於
稱歛不產絲綠何稱歛有桑地科則執此可知且以
地方多寡論之績溪乃歛分出未邑僅得二十四里
土瘠民貧路衝四要冊籍丁一著役每年丁糧不上
七百餘石每日祇應止糧二石官客絡繹夫馬繁雜
民不堪命歛係大縣二百二十四里丁糧六萬餘石
在外經商冊丁百無一二告引千萬餘紙每日祇應
計糧一十八石此比績十倍有餘反遭加課欺罔上
減

祖宗之成法下變府誌之冊籍借此覓利罪不容誅今蒙
拘集里排人民赴縣審勘乞賜詳審轉達合無將欵
績二縣均里均差免致一人作亂萬姓含冤等因批
呈到縣為照本府六縣惟績最末較之休歙大縣百
不及一績溪之民欲求別縣幫補接送之繁巡誰告
援今撫帥加謨冒呈更改終綃均派六縣變異

國制紊亂成規於律有碍合無姑容照舊定納庶免小
民激變之憂官民兩便照奉前因擬合回報為此縣
司今將查數緣由具申伏乞照驗施行

隆慶四年四月十八日署縣事教諭楊

謹按歙民程鵬等先年倡議妄將歙絲告
板五邑代納彼五邑人民洵、不平幾成
激變之禍後幸議寢不行其禍獲免故前
申有庶免小民激變語夫豈無稽而卒有
是申哉然則激變之累已非一朝一夕之
故蓋在隆慶四年之時已前論之矣帥加
謨必計取勝纏害不已竟坐汰綰五邑人
心誰肯甘服其勢自成茲變正

明旨所謂激匪無因者也今乃橫坐任卿為首倡乱然則
各邑所申所告歷、以激變召變逼變為

言者豈皆任卿一介草茅過主之耶
霹空
究纖即此可指掌而見之矣

一跡如誤具呈本府詞

呈為應天作主乞憐一府人丁絲絹獨累一縣請賜
決改改正以避困苦事竊惟本府原派絲絹自宋至
元六邑照依田土均輸我

朝以來製有成法伏觀

大明會典開載徽州府人

丁絲絹八千七百七十九疋零昭如日星人莫能掩
迹年一戶部勘合連照會典別付徽州府坐取人
丁絲絹數目典別相同並無缺縣明文本府合當遵
照部劄通行六縣均派人丁則上下文移有據民
不偏虧先年不知弊由何作本府將人丁絲絹字樣

不通 部劄文移改作夏稅然一併于歛徵納先該
歛縣正官不知緣由莫察情弊但奉徵派依本縣蘆
隨徵隨納遂成不易之錮案至今不復改正先年民
人王相程鵬等具告 撫按二院蒙准批仰府議

奪柰緣理莫勝私一難徵五鵬相以致喪身遽成屯
止切思普天之下莫非王土率土之濱莫非王臣土
既有歸賦當均貢臣皆賓服丁必具存其田土或有
瘠肥八丁不能泯滅况六縣子民統屬一府豈惟歛
縣徭有人丁而休養等五縣皆無人丁之理且彼不
據文移案情顯著加課目擊艱危心甚剗割是以不

避斧錢呈鳴府縣再控 撫按二院俱蒙准批仰府
查議報至今未蒙決議恭遇 天臺仁臨本府懇乞
仰主查照典制文移揆度六縣有無人丁應否均平
俯賜決議申詳改正俾歛縣豁其所本無使休墊并
五縣復有所固有就六邑之均平救一縣之偏困章
本同春陽光普照蕩、魏、恩垂萬世再治加模楷
言之罪以謝五邑則當瞑目以待死矣為此具呈須
至呈者

隆慶四年十一月二十五日呈

一舉 崔太爺緝拿帥加議牌面

徽州府為懇恩遵

因典據府誌均賦救偏以蘇困苦事奉 撫按二院批

據帥加議呈前事蒙批俱仰府查數報奪奉此已經
行縣去後未報今照帥加議既縣具詞呈告

撫按必為有力之家有謀之輩何為捏作在逃屢提
不到中間必有主使之者擬合行提為此仰縣官吏
速究帥加議有無妻子兄弟是否在此輩奸惡漸
不可長設法緝拿解府從重問擬庶足以警餘奸毋
得遲違

萬曆三年三月初九日行

一欽縣拿解帥加護家屬中文

為懇恩護

因典撫府誌等事抄奉 本府票文已經緝拿帥加護
未獲又經開行新安衛行提去後隨准開開已經票
差哨兵李必成前去看落百戶帥相拘提去後今批
家屬帥貴回稱帥加護於隆慶五年帶妻挈家逃在
原籍湖廣江夏縣無憑拘解今將家屬帥貴開解到
縣照奉前因擬合申解伏乞照驗施行

計開一東勝紀人一名帥貴係帥加護家屬

萬曆三年三月二十四日知縣姚學閑

一帥貴保狀

更衣亭歇家何成今當

處實保到新安衛犯人一名帥貴保外聽候
拿獲帥加謨到日送理不致違悞所保是實

萬曆三年三月二十六日委 保歇家何成

押 保皂隸程宣

一師加謨復呈府詞

呈為銷領一府狹徽山縣懸查改正以墜宿弊均賦
蘇困事奉

大明會典內開載徽州府人丁絲絹八千七百七十九
疋零遞年戶部勘合遵典劄府並無專派歛縣字
樣本府合當遵劄派徵六縣人丁則是上下相承文
移有據獎緣該房將札內人丁絲折生絹字樣改作
戶部額徵夏稅絲冬數帖行歛縣獨派于民田地除
納夏稅正麥外每畝重複科絲四錢該銀一分四厘
每卑計累貲銀六千一百四十六兩且歛原不產絲

本院與劉無憑承訛踵謬困苦何堪嘉靖年間王相

釋屬并具告

撫院陳按院宋

俱批仰府常印官會同佐貳

官各從公議處報奪又蒙撫院歐陽翁劄行仰府

掌印正官造冊成書斟酌增損以不失本院致平之

意後因鵬相身故未議報奪隆慶四年加謄具呈

撫院劉海俱批仰府查議報奪本府遵依行催六縣

正官到府後堂會議各縣以冬為詞荷蒙

駁太爺晏推爺會看得加謄具呈絲絹一項事

有成據名正言順抑何泥久憚改民王民也事王事

也毋令彼終毋私爾我務要悉歸公正合遵典劄均

縣行間偶值房縣主丁憂各官期迫朝覲以致因循
停閣於隆慶五年六月初二日具

奏蒙准付科奉科參典有疎違賦當均派合從批出酌
行案呈 房部奉部批候本處 撫按衙門題

請行回途遇害羈縻遠避未申情款全奉 爺臺仁恩
催設千里奔歸伏乞作主怜悯偏苦洞察奸弊以一
分五每丁不過二分以五歸一粮石該銀三錢幹念
十府統一體恤徵則苦樂不平六縣狹六子均輸則
典劄不悖豈惟通變宜民抑且繁輕易奉又查文獻
通考饒州府樂平縣經五代益米一項當宋理宗時

有崇必舉
而事頗害同為此開陳懇遵典劄查對逐年行照
帖是登文移相同比照順天等八府人丁絲折生納
事例均派均輸庶使上遵典劄不失

朝廷之賦稅下蘇民困不致一縣之偏虧豈惟勒碑肖
像銘德於當時將見家祝戶頌報恩於永世為此具
呈順至呈者

萬曆三年四月初十日呈

一徽州府行縣催議帖文

為銷煩一府獨徵一縣事批歙縣帥加謨呈前奉
批以卷查先奉

撫按二院批批帥加謨呈同前事俱奉批仰府查議
報奉以節經脩行各縣認報去後催批續漢一縣回
申加謨冒呈更改然銷變異

因制紊亂成規於律有碍合無姑容照舊定納庶免小
民激變之憂官民兩便等因到卷餘縣未見議報以
致批呈久闕不符詳奪今又批帥加謨具呈前因查
係事干錢糧務求停妥難以遽議合再行催為此帖

仰本縣官吏即查帥加謨呈內歛縣額徵絲絹應否
分派五縣是否先年成規并審該縣人民有無輸服
加納逐一查設申府必求的確經久可行毋滋紛擾
未便作速呈報以憑轉申詳奪施行

萬曆三年四月十二日行

一歙縣士民交呈本府批縣轉申 鮑院公文

歙縣為箋

制悖典射害殃民懇恩遵照 會典均平絹賦以蘇偏
困事抄奉 本府批批本縣不苛都昂里老江子賢
謝良器陳良知等連名呈稱徽州一府統率歙休婺
祁黟績六縣宋元舊賦各有絲

國朝熙治經理本府係無出產乃於人丁折取奉

大明會典內開徽州府人丁絲折生絹八千七百七十

九疋零逾年 部劄行府徵取並無獨徵歙縣字樣

理合派徵六縣本府該房當時弄弊改作額徵夏稅

絲盡數帖歛一縣加派於民田地每畝重複科絲四錢該銀一分四厘每年計累銀六千一百四十六兩通徵絲絹必往浙江湖廣出產地方收買送驗解京水脚交盤使用共計銀七千餘兩歛民痛遭流毒淪骨浹髓先年王和程鵬等揭情節告撫按衙門俱批仰府蒞公酌議報奪始因鵬相身故未有人建言以致累賤年湮未經改正至隆慶四年帥加謨歷考源流稽查典劄五縣並無蠲免明文歛縣亦無獨徵明例具呈本府及巡按老爺劉巡撫老爺海俱蒙傳批本府查議報奪續蒙按知府晏推官

催行六縣正官赴府會議遵依行派間塞值房縣主
丁憂又遇各官應朝赴京去急待回均派不期

府縣正官陞遷改任遂至耽延中止切思遵典均平
以一分五每丁不過二分輕而易辦以五歸一粮石
每銀三錢重而難輸挨去一官又成故紙歛民之屈
何日得伸歛民之賦何日得豁陰慶五年加議具本
進京哀奏

開廷蒙准行 部部批案候本處 撫按題

請行經今歲月愈深民情愈迫困苦流移目前種、本
縣額色錢糧尚難措辦豈能包贖五縣以誠焚溺倒

縣幸遇本府臨任仁政愛民廣四海維新之化澤及
群黎曠一視同仁之恩乞矜偏苦懇查典劄徽州府
下若有歙縣二字民甘輸納若無歙縣二字合派均
輸在歙縣得解其倒懸于五縣不終于奸避輿論至
公民情允服等情奉批據呈該縣不無偏累之苦仰
縣查議從申各 上司候批示繳

又奉批呈批本縣鄉宦汪尚寧汪道昆江珍方弘靜
程大賓曹接江東之等本監生員殷守善程嗣勳許
一純等連名呈為懇恩遵

用典故偏獎以甦困苦事查得本府節年奉 戶部劄

徽州府一項小麥五萬三千四百九十八石七斗
零一項人丁絲絹八兩七百七十九疋零一項農桑
絲折絹十五疋二丈四尺七寸其數目皆與會典相
同自唐至元七百餘年六縣均納絲絹郡誌可考及
查本府原派人丁絲絹數目該房書吏將人丁絲絹
字樣改作額徵夏稅絲偏派歛縣五縣俱無柰因本
府戶房掌案書手自無歛縣民人如倉氏庫氏俱係
五縣世頂名缺不敢明指恐招群噬故戶部原派
夏稅絲束文明開人丁二字槩行該府自無偏派歛
縣字樣而本府行欵改作額徵夏稅絲弊端昭然致

輟偏餉至今民困殘極甚可憐先此仰加謨遵奉
明典建書其國兩院俱蒙准行本府柰調力微
時未伸次義生寺齋居士夫合當連名公率幸過
府主明並日月公如天地施民間偏枉受害雖必
察死此扣關

因課下係民情關係非小懇乞查舊典部文改正均
派六縣不致偏累庶飲民有更生之日而餘縣免詬
漏之歎士民感恩特情奉批仰縣查該條申各典司
上司候批示繳奉此查得

大明會典開載徽州府應貢絲絹逐年以戶部劄行奉

府亦云徽州府人丁絲折生絹夫坐派一府既無歛
縣字樣人丁折絹亦非夏稅額絲以部欽奉

祖宗之成法至公至正典劄可稽而歷年府帖行縣則不
然矣如夏稅麥農桑絲絹等俱照六縣田糧公平均
派無議外惟前項人丁絲絹則独派歛縣強名之曰
額徵夏稅絲隱徽州府之通稱變人丁絲之定則逆
年申解到部又云南京庫收絲折生絹文移矛盾偏
弊可知士民交受其累而鳴于府本府洞察其累而
行于縣誠有挾也本縣細究根因據父老相傳皆謂
先年部劄到府該房吏書皆屬他縣人民各懷私

已借言部限嚴緊暫令歛縣充解待後仍行各縣派
補彼時歛縣又缺正官倪首承認年復一年漸成額
例切思六邑皆屬本府皆有人丁六邑之人皆

國家赤子如以人丁折絹独累歛縣則六縣原非異郡
五縣非無人丁、會典部劄非可私自更改歛之積
苦愈撥愈明已往者姑置勿論將來輸納與胥壤相
為悠久及今不白累且無休伏乞垂怜偏累查照
戶部歲行徽州府札付与前院原准加議呈詞再行
覆議庶典則昭著賦役公平歛民其得生矣見奉
本府批仰查議徑申事理卑縣未敢擅便擬合具由

申稟為此具申伏乞照詳明示本府遵奉施行

萬曆三年四月

日知縣姚學閔申

一兵道奉 按院鮑爺批府查議押面

為復制傳與射書殃民寺事奏文據院批據縣
縣申報本府批註并督辦并知軍注尚寧寺各具呈
該府人丁絲折生絹抽派款縣乞查一會典均系五
縣徵解緣由蒙批兵備道查議據奪蒙以合行查議
為與仰府官吏即將該縣所申事情吊取應查節年
前項絲絹文卷到官逐一從公查酌額派來由是否
原行偏累檢閱之會典與誌籍會稽賦役寺書互相
參考前緒應否改設分派即令有無窒碍仍行五縣
通查務要與情免協停安速由呈道以憑核奪轉詳

施行

四

萬曆三年五月初十日牌

一府行五縣查議牌而

為幾制特興射害殃民等事蒙令兵道駕憲牌前
事蒙以案照先擬帥如該具呈已經節行屬縣查議
去後未報今蒙前因擬令再行為此仰縣官吏即將
該縣所申事請早報應查節無絲綃為卷逐一役公
參酌額派來由是否原行偏累檢閱會典與該籍會
稽賦役等書互相參考前納應畧改議分派即令有
無窒礙務要尤協輿論查議停妥稟報據實轉詳施
行一其並奉
萬曆三年五月十四日牌

一婺源縣查議申文

為緝領土府獨徵一縣等事奉 本府帖文隨經給
示續據城都里排黃索程天推朱鑑等連名呈為申
明

祖制以杜振擾事切惟

國家版籍綱紀嚴明使固有定賦民有常供永為成法
禁無變亂查得歙縣原因欺隱影射民田正耗脚麥
尤千七百餘石罪及官民該縣愿自認納南京承運
庫絲絹八千七百七十九疋零抵虧麥數舊府誌賦
役二冊詳載明白迄今二百餘年輸納無異嘉靖十

四年款乃王相程繼隱下欺隱脚麥情由執辯該縣
獨徵絲絹捏詞聳告 撫按二院計板五縣五縣亦
各激訴時蒙 馮太爺查得絲絹委係抵虧麥數與
五縣無干申呈 各院照舊徵輸不許變亂卷案昭
明豈令司軍帥加謾假以社學乃敢出名鼓惑歎民
騙銀肥已歸詞畢府假公濟私且前項絲絹歲徵計
銀數千實欲甘認抵補虧麥永為定規難容洒派若
使歛民虧麥而倖免五縣麥外而加征民心何服且
歛昔已甘輸年遠何待加謾今日倡議祝錢限定之
國制難容變亂成章而論政者一試焉肯額外代納

呈乞轉申懸查舊誌及先年卷案杜累息端庶免激
擾生民等情又據鄉宦洪垣程文著李實賓潘溫余
世儒潘澄等舉監游有常江文明江朝陽潘士藻程
瑞容王廷舉孫圭江美中朱錦葉茂芝潘文淵等呈
為乞遵版籍正民賦以杜板擾事

國家起賦版籍為定世々相承二百餘年民無亂紀課
有常輸蓋緣任土作貢上中下錯晉天則例不一徵
州一府所屬六縣自入

聖朝乙巳改科輕重各異版圖是正歛縣稍有絲絹補納
比附元額虧欠正耗脚麥苳該縣輕租民田地起科

舊誌載明歷造黃冊藏之天府原經

皇祖欽定舊誌不可易也今帥加謨等告 奏要行均派
六縣竊思會典部劄必緣任土額徵徽州二字是
開坐本府文移何必以無歛縣字樣妄行生累况歛
絲絹起科徵于夏稅非派人丁其為虧麥甚明焉可
妄摘人丁二字擬批各縣變亂成法生苛日擊義難
忍默呈乞轉申杜擾據以查得本縣歲徵錢糧遵奉
府帖原奉 部院勘劄額派夏麥秋禾之外並無絲
絹人丁字樣今奉帖仰脩查是否成規并審人民有
無輸服隨撫際縣里老耆民連名呈報前因看得前

項絲綸苦果係額派通屬則該縣不無偏累今按士
民耆老執稱該縣原係抵補虧麥之數有舊誌書及
我

朝黃冊可考誠恐當時之派徵不為無自而二百年之
輸納非能強泛且誌書為一郡信史何敢至此謬妄
而黃冊係

國家版籍夫豈漫魚明徵揆之民情俱不輸服擬合申
報為此遵將前項緣由開具書冊申乞
照驗施行

萬曆三年五月十二日知縣吳琯

一績溪縣查議申文

為亂籍召變事據本縣坊都軍民匠籍姚文得舒仲
生等連呈狀告前事詞稱

國初以來查出歛縣欺隱夏麥九千七百餘石法當究
治姑將輕租田地三千六百餘頃每畝科絲四錢補
虧麥數定制傳納二百餘年並無變亂賦役冊

府舊誌可查嘉靖十四年歛民王相等告院行府
審與五縣無干詳允卷証今豈歛奸帥加謨不思以
絲補麥沽名惑眾希變成法欲將絲絹飛派五縣切
照江南各府屬縣賦稅異宜不獨一徽版籍既定毋

政變更加譏維奸豈能違

制眾情懸急匍匐額

天伏乞轉達遵照舊典以安黎元庶免人心徬徨激
變萬代感恩據此又據縣縣鄉宦舉監生貢汪鯨馮
蘭黃元敬程樞胡一鳳等連名呈為遠

制殃民大變事伏蒙

太祖高皇帝勘定之初命中書省集天下官吏查勘賦稅
內有歛縣比附元額虧欠正耗脚麥九千七百餘石
合將本縣輕租民田地三千六百四十六頃每畝科
絲四錢補虧麥數具載府誌傳納三百餘年無敢變
亂嘉靖十四年王相程鵬具告扳扯五縣已蒙

府主馮 查得歛納絲絹原係虧麥且各鄉多有棄
地仍遵舊

制申呈 各院詳允刊附賦冊日後不敢變更豈歛刀
帥加謾謀改府誌沽名惑衆希變成法欲將然絹飛
派五縣切照江南各府屬縣賦稅異宜不獨一徵如
白糧獨徵于蘇常牧馬則派于寧太皇木則採于本
府以南直各府之不同如松江府萊苴獨徵于華亭
而上海則無淮安府藥材止徵山陽而睢賴等縣則
無金華府麻地租錢獨徵武藝絲鈔二色獨徵湯溪
而餘縣俱無稅則輕重雖異科法彼此互均歛有棄

地產絲固非取有子無科絲補麥又非偏重于歛就
以歛縣言之一鄉之中有每畝科米七斗零者有每
畝科三升零者凡三十餘則一鄉尚各科則之不同
安可扭五縣通為一則乎歛民乃扯拾胡元異代之
陳迹欲壞

祖宗奕世之成規不思伊絲綃補麥之源派而橫生一例
均平之妄議則二百餘年之前豈無賢智先達之輩
乃一向安心輸納而待如謀更變耶况本縣獨當四
路衝疲丁糧最下每年應役不過七百餘石而歛縣
丁糧每年三萬餘石多寡懸殊輕重天淵今止均絲

給之毫末而不均里以均差則續之苦終于不均者
矣懇乞查遵舊額轉達申究庶免人心徬徨激變萬
代瞻仰等因據此案查先奉本府信牌為據

制悖典射害殃民等事備仰即將歛縣所申絲絹查審
等因奉此遵依細查得本府原派絲絹開在歛縣項
下補虧麥數洪武以來定納至今誌籍可考今據通
縣士民呈告前因覆審相同為照辦方作貢王制定
賦以宜民按籍徵科人情相安而輸稅法已更變事
貴因成績溪山多地瘠邑小路衝田綠希少財力匱
疲較之五縣多寡懸殊數年以來屢訴均恤已蒙議

行未果今欲推以定制之賦復加以不支之縣亦
猶使厄羸之夫分之以烏獲之任鮮不僵且仆矣且
歙縣徵收絲絹額係補麥承納二百餘年向無異議
今一旦變更分派本縣致令眾口藉 皆謂孽自今
日當縣者始非惟有違于舊

制抑且永啓平爭端合無俯順下情軫恤疲邑議覈免
派庶苦樂適均官民兩便緣蒙仰令議報事理擬合
就行為以將前項緣由一并具申伏乞照驗轉達施
行

萬曆三十五年五月二十五日知縣陳嘉謨

一休寧縣查議申文

為給領一府獨徵縣等事奉聖本府帖文事理簡
經給示續據成節里老耆民張護朱文發金宗稜朱
朝用等連名呈稱為遵

祖制成憲以杜變亂事歛縣絲稅非由人丁起科緣
國初乙巳年中書省查本府錢糧為見花戶增減不同
奏啟查算本府六縣麥米原額惟歛比附元額虧欠正
耗腳麥九千七百餘石將該縣輕租民田地三千六
百四十六頃每畝科絲四錢補虧麥數又抄一等元
抄沒程輝祥葉忠葉田及登瀛明德等鄉併有桑園

田地與計料終一萬九千零十四斤三兩零每終田
十兩折銷一疋共折銷八千七百七十九疋零規定
徵解南京承運庫交納自來部府徵輸卷冊并府
欵舊誌所載歷歷可考豈今乃軍帥加謨隱蔽根源
捏稱徽州府人丁絲絹徭累欵縣赴

上奏擾上奏

國制下擾良民乘機欵財累衆肥己不思欵賦終銷出
自輕租民田補虧麥數五縣無干且如本府賦稅科
則或彼有而此無或此輕而彼重如各縣有守丞起
稅塘不升科或五丁折糧一石與三四丁折糧一石

者賦有定制規則不苛又休寧地處衝要賦役繁重
加以齊雲山往來供億不給未得請乞均輸崇容推
洒正賦且開國以來祖父相傳自未有以若果變
亂成法必致激變細民隆慶四年間蒙府主政爺
帖行各縣已蒙本縣詳鞠明實確申拘謨詰証惧罪
逃避延揀府縣官遣令覈飾情據害為以連名將查
實緣由具呈伏乞為民作主轉申嚴拘奸刁懲究除
根不致釀成大變萬代陰功據以又提鄉官胡文季
舉人程時言監生邵齡生負胡景星等連名呈為明
國典攷成賦以杜亂政事緣缺刁軍帥加謨等不遵

奏憲告推該縣歲徵絹匹生等博集輿議具呈竊聞作
貢任土惟正是供乃百王中制為萬世常經徽郡多
山壤地瘠愜

國初比照舊則總管李賢翌等念徽絲綿實非土產申
奏每歲折納輕齎迨乙巳改科帖木兒不花以土田則
例不苛請從新定科則內有歛縣元科絲綿則比各
縣一例其麥比附元額虧欠九千七百餘石將輕租
民田三千六百四十六頃每畝科絲四錢補虧麥數
餘重租田雖在歛者不科各縣原額魚欠皆不外科
歛縣田是始有絲絹實為補麥非若他郡由人下而

科者也又考昔歛諸鄉若明德登瀛仁礼永豐孝第
滾繡與下御等處率有桑林園地而五縣皆無沿是
惟歛稅絲任土貢也據洪武十年二十四年與永樂
十年暨成化十八年歷有更定歛絲科則至弘治十
四年以絲二十兩折生絹一疋歲輸八千七百七十
九疋零為歛絲絹定額實正供也外惟農桑絲絹為
勸課桑株每桑株科絲二分共折絹十五疋有奇歛
二疋休一疋初八疋點四疋發績獨無則有無多寡
以邑繁簡為差實定制也迨嘉靖四十一年每絹一
疋始折銀七錢府縣積案與舊誌同前聞歷、可考

未聞各縣有絲絹也近府修新誌總裁自歛遂附入
私議為加謾妄告抵本不知各縣原無棄地故無絲
賦歛絲出自輕租民田補虧麥數非彼一縣偏承而
蠲五縣倖免也抑稱 會典所載為徽州府人丁絲
絹今內直隸府與外布政司等埒稽諸典中紀載自
與在直隸而言縣在布政司而言府者就如農桑絹
賦獨派四縣亦只言府而不言歛休黥初而歛休初
黥亦不得以府字而洒派黥續也夫謂人丁絲絹乃
樂言他郡通例特未悉為本府土宜故耳哉觀
會典內開諸司職掌一款凡民間棄株各照彼處元

定則例起科自來 戶部絲綃本府徵輸歷有元定
科則垂之令甲官民共守至今二百餘年豈區之吏
書二三輩所能為弊者加譟乃欺隱根源藉口府宇
謂為偏累妄行 奏擾送 臺集議某等切惟微介
萬山固無蚕織歛視五縣舊有桑區矧絲為補麥出
自輕租民田又如婺初二縣山未起科塘無租稅諸
凡經制等則不齊臣工罔敢違越者借謂綃非土產
歲難辦納只宜告乞蠲免或復輕齎詎可謬襲私說
奉二百年成法而一旦變亂之罔上行私禍眾私已
誠不容于堯舜之世者也呈乞申明舊章以杜壞亂

紀法罔以辨言害政庶下有法守矣等因到縣照得
絲絹額派歛縣肇自

國初相沿二百餘年未之有改考諸徽誌具載詳明今
師加謨者輒自建言欲派五縣但

國家賦稅輕重異齊自古已然非今獨尔卑縣遵奉

上議博詢輿情萬口一詞翕然稱辨在君子則討論
典籍而曰願守舊章在小人則安習故常而曰毋為
激變然酌事体重而匪輕揆度人情久則難變均派
之議永哉謂然令將縉紳士民所呈具由申振伏乞
議奪以定人心為此今將備查前項緣由開具書冊

同原奉牌合行申繳伏乞照詳轉達遵奉施行
萬曆三年六月十三日知縣陳履

一祁門縣查議申文

為踴頒一府獨徵一縣等事奉 本府帖文事理隨
經給示續據繁縣報里耆民汪福高方世賢等各具
呈為乞循

舊制杜板安民事

國朝賦役原有定則民間輸納各照成規弊緣歛縣独
倚富奸隱漏夏麥九千七百餘石罪及官民自愿認
納南京承運庫絲絹八千七百七十九疋零就于歛
輕租民田地起科抵虧麥數府誌載明黃冊編定二
百餘年遵守無異嘉靖十四年欽刀程鵬等僭誑

撫按二院板社五縣蒙府主馮爺查明誌籍申豁
卷案見存隆慶四年衛棍帥加謾踵奸捏詞陡圖扳
派蒙府主段爺查明卷冊批拿懲治立案可証豈
加謾科騙歟民銀兩無解今復百計鼓惑鄉民妄行
告擾不思絲絹原抵虧麥何云偏累科則定自
國初豈容變更且初地瘠民窮本寺稅糧供納尚艱若
復額外增稅小民難以安生呈乞轉申查照誌籍及
今卷案絹仍派不墜奸弊庶息訟擾據此又據縣縣
鄉宦葉宗春李叔和方若坤許誌陳天祥舉人王京
祥謝師訓黃日新生負方漸王大儒等呈為乞查

舊制以杜扳援事

國初因由起科分毫不容隱漏六邑照則供賦輕重原至公平歛縣額納南京承運庫絲絹蓋緣該縣欺隱民田正耗腳麥九千七百餘石隨將輕租民田地起科以補虧數本府舊誌及歲徵文冊編載詳明並無異議今有帥加謾等生計造禍妄摘會典部劄內開徽州二字扳五縣不思派錢糧而稱總府原部司文移槩行之詞因虧麥而坐絲絹乃一府裒益均平之法厯考洪武永樂成化弘治及今誌冊絲絹俱註歛縣項下稅額久定民心各安設有一毫偏累歛民

豈素懦愚何故二百餘年之前而不言直待二百餘
年之後而告擾且查乙巳改科之年初邑已加夏麥
二千三百餘石農桑絲絹又多入足百姓悲苦供納
情比諸縣更殊呈乞轉申照舊徵納小民庶免重困
地方不激致變等情連名具呈到縣叅看得前項絲
絹原派歛縣以抵漏稅之罪相沿二百餘年雖因一
人更變今據樂縣里老鄉官人等所呈及查新舊府
誌俱稱

因初歛縣虧額稅麥乃將輕租民田科絲拆絹補納以
所以歛縣独有而各縣獨無也再考人丁絲絹之說

節經 部院

題請 撫按總會豈不開載明白乃待今日方始告擾
况纂修新誌俱本邑縉紳名公其意亦不過欲將前
項脩足比照成化縣民訴田則重奏

聞裁減初未有分派五縣之議其心至公其慮至遠况
本縣于乙巳改科之年已加夏麥二千三百餘石農
業絲絹又多八疋百姓供納情苦更異縱使歛絲可
減亦難派及初民今加誤妄逞管蠶之見欲市棄梓
之恩不惟假公濟私或亦因事受賄一旦倖紊成規
百姓恐生駭變緣奉帖牌查議事理擬合具申為以

將查議過緣由申乞 照驗施行

萬曆三年六月十三 署縣事縣丞劉守德

一 點縣查議申文

為緝領一府獨徵一縣寺事奉 本府帖文隨經給
示查議行據縣里排李日華余時達等呈為懇恩
查照

舊制杜亂版籍以安民生事切照

聖朝以來各縣賦稅悉有成規世傳至今輸納無異近
勦軍帥加謨稱歛絲絹偏累告擾分派不思彼縣原
虧夏稅故將輕租田地每畝科絲折絹以抵麥數此
為成法 部院可考舊今更變罪不容誅懇乞怜准
轉詳正罪照舊輸納庶免變亂據此又批卿宜汪如

海汪尚功等呈為乞遵

聖制守成法以安民心事竊照我

朝賦法肇自

國初監前代而裁其浮冗酌群議而採其中正區區有成
美科徵有定則權均衡平鑰匙泰度蓋竭其心思
于一時而垂其規制于萬世是以

列聖守成恪遵不變免前代紛更之弊政

昭代累洽之休皆由民心安固是以

聖化悠長天下臣民所宜世世守之而一壞一尾不可輕
易者也彼歛刀帥加謨者乃必逞其私智紊亂舊章

妄指絲絹之稅稱作歛之偏累將爲大邑脫其額定
之賦恐以瘠土加諸法外之征不知法制一定以不
可易之于彼事跡既安古不可更之于今所以狂夫
橫議徒倡誕于二紀而鏡臺炳烺成執法如一時
今考之會典並無徵郡人丁絲折生絹之文觀之
府誌實有歛縣夏稅絲折生絹之數彼會典府誌
同爲一書而夏稅人丁不宜頓異議者以夏稅決無
更易之理而人丁可遂其動搖之私以故變易二字
眩惑群聽夫府誌雖撰于後人而成法則稽之故典
危誌中所稱絲絹俱載諸夏稅之條尽属于賦稅之

欵加謨乃謂吏人為弊將人丁絲改作夏稅絲何吏
乃敢為此大弊而府誌亦吏所能改耶豈當作府誌
之時而歛之諸公獨不在局耶抑府誌為不足信者
耶使其可信則真為夏稅絲而非人丁絲也明矣絲
絹為歛之額稅而毫不可更易也亦明矣且考

國初定賦之時有郡縣以覈其實有中書省以摠其成
按勝國之舊籍而為之補偏救弊裒多益寡此無厚
歛而彼無獨逸以其法所以行之久而民安之也姑
以我徽一郡之賦言之歛有夏稅絲而五邑則但有
夏稅麥者蓋五邑之稅雖或有增減于元時然俱不

甚相遠歛之夏稅麥則視元之時蓋三分而損其一
矣使不稅絲則歛賦何從輕耶又歛有輕租民田地
三千六百一十頃每畝稅絲四錢者所以補其輕也
或易之則絲可不稅絲不稅而輕者不益輕耶故加
議所訖一稽之府誌其妄可不辯而明矣况歛為諸
邑之最即減絲絹稅隻舟去大江之濱而不為稀也
救邑實凋瘵之壺或加毫賦稅久病服烏頭之毒而
實難堪也幸遇 仁臺深知敝邑疲困視民誠若有
傷歛人所議心爽而隱之也久矣伏乞俯覽轉達俾
成法不以浮訖而改民心不必易慮而安則黔人永

永噀恩濡泳無數矣等情據以叅看得歙縣緣納銀
兩已經交納二百餘兩並無異論今帥加謨一旦建
議欲均分派五縣以致百姓紛告擾在君子則叅
求典籍而謂加謨之說無所考在小人則祇遵舊規
而謂

祖宗之法不可變據加謨引用會典之說固不暇究其是
非但

國家法制一立定于以難移于彼而事體相沿已久宜
乎古亦宜乎今今緣納之稅歛民既以輸納二百餘
兩必其法之一定而宜民也帥加謨乃謂五縣吏書

為奸以致歛縣獨受其累則吏書何人乃敢為此大
獎而當時之府主又何獨私厚于五縣之先達
諸公亦豈無一人之通達國體者耶夫法之始行也
既無鄉宦以言之于先而法之既行也又無鄉宦以
議之于後是絲綃之不可均冰也明矣今帥加謨敢
以鄙夫而妄議

國家之大事則非特為五縣百姓之罪人亦歛縣前輩
諸公之罪人也伏乞俯從民便轉達照舊遵行仍正
帥加謨妄議之罪庶五縣之心已安而歛縣之民
志亦定矣緣奉查議事理擬合備由申報為此今具

緣由同信牌具申伏乞 照驗施行

萬曆二年七月廿一日知縣陳正謨

一欵民陳良知等赴 兵道告詞批府行縣帖文
徽州府為擅違

制典獎改 部劄偏派

因賦極苦民情事抄蒙 兵道馮 批據歙縣陳良知
等狀告前事詞稱 會典開載徽州府人丁絲折生
絹八千七百七十九疋零每羊 戶部遵依劄府自
無專派歙縣字樣合當遵扎均派六縣始因 部扎
嚴緊歙無正官被五縣照說附郭縣分暫借一羊彼
時朦朧領受嗣後承誤踵獎蓋因本府戶房掌案書
役世皆婺源等縣人民流傳頂替轉生弊端將扎內

人丁絲絹改作額徵夏稅絲專行歛縣捏稱乙巳查
勘歛麥有虧將本縣田地料絲補數歲累銀六千一
百四十六兩實絲附收入府誌執以爲據先年王相
葬近年卽如誤卽告前院批行本府轉行五縣被五
縣因循沉捺竟成故紙查得會典順天等八府皆
有人丁絲絹各府並是均派所屬州縣今本府人丁
絲絹既與順天等府相同則派亦當與各州縣無異
卽如府誌之說絲係人丁稅徵地畝名實不相符麥
銀數少絲銀數多數目不相合且八府亦有丁絲豈
緣虧麥五縣亦有虧麥何不補絲且無青

府則曰人丁絲絹府帖行縣則曰夏稅絲及至繳部則又曰人丁絲折絹展轉更易欺上罔下弊端顯然近該本縣備申天臺蒙批仰府公議詳奪八月間欽縣軍民帥加護等入京具奏下部轉行

撫按老爺併行天臺千載一日切思天下錢糧具載會典戶部遵依通行各該省府遵依均派各該州縣人丁絲絹係是徽州府錢糧合當均派何得獨累歛縣今歛民窮財尽本等額徵尚難措办分外充賅疲困何堪伏望天臺擴仁一視仰稽會典備查部劄及本府行縣繳部文移一洗積弊亟行改

正均派各縣庶巧避者不致倖免而偏累者可望更
少剔弊百幸留恩萬世等情蒙批仰府備查原派來
歷酌議六邑丁畝輕重務處各服報套蒙此已經通
行去後今照大明會典絲絹開載徽州府欵內何
為獨派歙縣五縣當時何為不派耶抑或有別項錢
糧派在五縣而歙縣獨無者耶此事惟府縣履心議
之始得停妥仍禁諭士民不必紛紛告擾仰縣限三
日登答詳欵并查該縣人丁田畝數目造冊一併申
報毋得朦朧回覆致滋紛擾未便須至帖者

萬曆三十二年十一月初十日行

一 婺民具告 都院宋爺批府行縣帖文

徽州府為違

制板害事奉 都院宋 批據婺源縣黃棠等狀告前

事詞稱

國家貢賦歷遵

聖祖定制載在黃冊萬世莫更近被刁軍帥加護冒將該
縣田地起科補麥夏稅絲折絹額解南京承運庫交
納二百餘羊錢糧妄行告板休婺等縣代納違

制變亂罔上欺下激害生靈乞天作主行府查露感恩
萬世等情奉批仰府從公併查報奉以先蒙

兵備副使馮批據歙縣陳良知等告為擅違

制典等事已經脩行各縣查議去後未報擬合併催為
以牌仰縣官吏限文到日即查緣緒何為獨派歙
五縣何為不派或有別項錢糧派五縣而歙縣獨無
者乎逐一從公查明登答詳款并將該縣人丁由
數目造冊一併火速申報以憑酌議施行

萬曆三年十一月二十日行